

欽定大清會典事例

卷

一千零七十八至  
一千零八十二

太常寺  
禮節

欽定大清會典事例卷一千七十八

皇清太常寺

皇清禮節

御經筵 遣官祇告 親詣祇告 傳心殿 禮節

皇清孔子及祇謁

皇帝東巡詣闕里 孔林禮節 親釋奠 時巡經

王師孔子及祇謁

過山東遣官祇告 先師孔子禮節 遣官致祭 闕里禮節 皇帝東巡遣官

致祭

元聖周公禮節 宗聖曾子述聖

遣官致祭

復聖顏子 亞聖孟子禮節

御經筵

親詣祇告

傳心殿禮節。太常寺豫日以祝版送內閣恭書。

祝文翰林院  
隨時撰擬

先一日。司祝由太常寺恭奉祝版。

導以

御仗。送至

傳心殿祝版房。設於案。跪叩如儀。祀日昧爽。所司  
潔除殿內外。展幄幔。工部司官藉以椶薦。太常  
寺卿率屬具器陳。

皇師伏羲氏。

皇師神農氏。

皇師軒轅氏。

帝師陶唐氏。

帝師有虞氏。

王師夏禹王。

王師商湯王。

王師周文王。

王師周武王位前各一案。均南嚮。每案釧一。遵豆各

一案。前設香案一。陳鑪一。鐙二。

先聖周公位前設一案。西嚮。

先師孔子位前設一案。東嚮。每案釧一。遵二。前設香

案一。陳鑪一。鐙二。殿中少西設一案。北嚮。供祝

版。東設一案。西嚮。陳禮神制帛十。白色。香盤六。爵

十八。尊二。西設一案。東嚮。陳禮神制帛一。色香  
盤五。尊一。爵十五。凡帛正位同篚。東西位各異  
篚。凡尊實酒承以舟。疏布幕勺具。

皇帝拜位在殿內正中。北嚮。鑾儀衛司拜褥官立於  
皇帝拜位之左。稍後。太常寺司祝立祝案西。東面。司  
香立東西案後。負序。東西面。典儀立殿門外之  
西。東面。記注官立殿門外之西。東面。掌燎官率  
燎人立於東門外。燎鑪之隅。日出前三刻。司祝  
詣  
傳心殿祝版房。恭奉祝版安於祝案。司爵揭尊幕。

勺挹酒實爵。司帛奉篚。司爵奉爵。進至各神位前。奠於案。司拜褥官豫布拜褥於殿門內正中。各退。太常寺卿赴

乾清門奏時。

皇帝御袞服乘輿出宮。前引後扈如常儀。

駕至文華門內東門降輿。前引內大臣侍衛均止立。後扈大臣隨侍。右贊引左對引。太常寺卿二人恭導。

皇帝由殿垣西門入。

景行中門。升中階。進殿中門。至拜位前。北嚮立。典

儀贊執事官各共乃職。贊引奏就位。

皇帝就位立。司香各奉香盤詣

神位前祇候。贊引奏就上香位。及對引官恭導

皇帝詣

皇師伏羲氏香案前。對引官至祝案前止立。司香跪進香。贊引奏上香。

皇帝上炷香。三上辦香畢。以次詣各

神位前上香如前儀。贊引奏復位。及對引官恭導

皇帝復位立。奏跪拜興。

皇帝行二跪六拜禮。興。司祝詣祝案前跪。三叩。奉祝

版跪案左。贊引奏跪。

皇帝跪贊讀祝。司祝讀祝畢興。奉祝版跪安。  
神位前篚內。三叩興退。贊引奏拜興。

皇帝行三拜禮。又奏跪拜興。

皇帝行二跪六拜禮。興。典儀贊奉祝帛送燎。司祝司

帛詣

神位前咸跪。三叩。司祝奉祝。司帛奉篚。興。司香跪奉  
香。興。以次由中道出。恭送燎所。

皇帝轉立拜位東。西嚮。俟祝帛過。

皇帝復位立。贊引奏禮成。及對引官恭導。

皇帝出殿中門降中階詣

文華殿

御經筵畢。乘輿還宮。執事官以次退。○康熙二十五年議准。

御經筵前一日。如

皇帝親詣

傳心殿祇告。祝文由翰林院撰擬。前期太常寺奉祝版送至

傳心殿祝版房安設。祭日讀祝文致祭。○又議准。經筵前一日。如

親詣

傳心殿祇告。

皇帝御衮服行禮。○雍正四年議定祇告之禮。除歲暮祫祭

太廟有一定日期。

躬耕藉田必用亥日。仍前一日祇告外。其餘祭祀皆於本日祇告。○乾隆六年議准。今年二月經筵照例於本日祇告。

傳心殿。一應事宜均照康熙二十五年之例。○嘉慶元年首舉

經筵。

仁宗睿皇帝告祭

傳心殿。

親詣行禮。○二十五年。

仁宗睿皇帝告祭

傳心殿。

親詣行禮。

命皇子親王等分詣上香。○道光三年。舉行

經筵。

宣宗成皇帝告祭

傳心殿。

親詣行禮。○咸豐二年。舉行

經筵。

文宗顯皇帝告祭

傳心殿。

親詣行禮。

遣官祇告

傳心殿禮節。○贊引太常寺贊禮郎二人。引承祭

官入殿垣東門。循

景行門東夾道。至殿門外階下正中行禮。上香。出

入殿左門。祝帛送燎。承祭官避立西旁東面。餘如儀。

皇帝東巡詣闕里

親釋奠

先師孔子及祗謁

孔林禮節。○豫期。衍聖公率博士潔埽

大成殿內外。分獻官扈從王公。文官郎中。武官參

領以上。地方文官知府。武官副將以上。衍聖公

暨十三氏五經博士咸與祭。先一日。

皇帝乃齋。與祭百官畢齋。

行在太常寺官具祝版

祝文翰林院撰擬

送內閣中書敬繕

大學士一人公服恭書

御名以授太常寺官。豫奉陳於廟內如儀。視割牲儀與祭。

帝王陵寢同祭之前夕。工部司官張大次於奎文閣前。鑾儀衛官設洗於次外。夜分。太常寺卿率屬入廟。陳樂懸於殿階上。陳文德之舞六佾於樂懸之次。遂及守土官詣

大成殿

崇聖祠暨前後兩廡。供具陳設器數均與太學釋

奠儀同行禮位

皇帝拜位在

大成殿內正中。北嚮。武備院官司拜褥一人。立於  
拜位之左。分獻官位杏壇下。陪祀王公位杏壇  
上文官位廟庭左直東階下。武官位廟庭右直  
西階下。地方官以其班列於朝官之次。衍聖公  
位東班朝官之首。五經博士位東班朝官之末。  
均北面執事位。記注官四人。侍儀禮部尚書一  
人。或侍郎一人都察院左都御史一人。或副都御史一人樂  
部典樂一人。糾儀御史禮部祠祭司官各二人。

引禮鴻臚寺官四人。太常寺典儀一人。司樂協律郎樂工舞佾。殿內司祝司帛司香司爵太常寺官。兩廡執事生。各以其職為位。掌燎官率燎人立燎鑪前。均如太學之儀。承祭

崇聖祠王公位階上。

如大學士以下皆位於階下。

兩廡博士分

獻位階下。執事生以職為位。與太學禮同。將事之日。守土大吏率屬治道清蹕。鑾儀衛陳

騎駕鹵簿於

行宮門外。領侍衛內大臣及內大臣率所部翊衛官。宗人府王公護軍統領率所部後管官均綵

服於

行宮門外祇候。不陪祭扈從官序列

行宮門前候。

駕出跪送。屆時太常寺卿赴

行宮奏請詣廟。

皇帝龍袍袞服乘輿出宮。前引後扈如常儀。

駕將至。衍聖公率十三氏五經博士及不陪祭之守

土官。序立廟門前道左跪迎。鴻臚寺官引陪祭

王公。序立於奎文閣前。內外各官。文由金聲門

入。武由玉振門入。序立於廟庭左右。均東西面。